

ՅՈՒՐԻ ՍՈՒՎԱՐՑԱՆ, Ռազմավարական կառավարում. Մեթոդաբանությունը և արդի հիմնահարցերը, Երևան, «Տնտեսագետ», հրատ., 150 էջ:

Տնտեսության ռազմավարական կառավարման մեթոդաբանության հիմնահարցերի գիտական մեկնարանման և մեր հանրապետությունում շուկայական հարաբերություններին անցման ժամանակաշրջանում անհետաձգելի լուծումներ պահանջող գործնական խնդիրներին նվիրված ուշադրով հետազոտությունների իրականացումն ու հրատարակումը ոգշտենքի են և, անկասկած, կնպաստեն հնարավոր կարճ ժամկետում ազգային տնտեսության ձևավորմանն ու ամրապնդմանը: Հենց այդպիսի հետազոտությունների շարքում կարելի է դասել Յու. Սուվարյանի քննվող մենագրությունը:

Ձեռնարկում լինելով համանման ուսումնասիրությանը, Յու. Սուվարյանը բնավ էլ չի հավակնել քննել և սպառիչ պատասխան տալ ռազմավարական կառավարման բազմաբնույթ, բարդ, դինամիկ գործընթացի բոլոր հիմնահարցերին. դրանցից առանձնացվել և դիտարկվել են շուկայական տնտեսության անցումային փուլին առավել բնորոշները և վճռորոշները: Դրանցով էլ պայմանավորված է գրախոսվող աշխատության կառուցվածքը: Դիտարկվող հիմնախնդիրների մի ամբողջություն է կազմում մենագրության առաջին բաժինը՝ Ռազմավարական կառավարման մեթոդաբանությունը, երկրորդ բաժինը ամբողջությամբ նվիրված է սոսկ շուկայական հարաբերություններին անցման փուլի տնտեսական ռազմավարությանը վերաբերող հիմնահարցերի քննությանը:

Ընդգծելով տնտեսության կառավարման անհրաժեշտությունը, բացահայտելով դրա էությունը, բովանդակությունը, սկզբունքներն ու գործառույթները (պլանավորում, կազմակերպում, մոտիվացիա, վերահսկողություն), հեղինակը որպես հետագա քննության օբյեկտ առանձնացնում է ռազմավարական կառավարումը: Այն դիտվում է որպես կառավարման հիմնական գործառույթ՝ պլանավորման կարևորագույն բաղկացուցիչ: Պլանավորման հիմնական խնդիրը տնտեսության, կազմակերպությունների զարգացման նպատակի և խնդիրների հստակեցման, գործունեության նպատակամետ ուղղությունների ու իրացման մեթոդների նախանշումն է, և ընելով տնտեսության նվաճված մակարդակի համակողմանի վերլուծությունից և հետագա զարգացման բազմագործոն սոցիալ-տնտեսական փոփոխական երևույթների հեռանկարային կանխատեսումներից: Արդյունքում, ի հայտ են դալիս սոցիալ-տնտեսական զարգացման բազում տարրերակներ և հարկ է լինում կատարել ընտրություն: Հետևաբար, ինչպես իրավացիորեն նշում է հեղինակը, պահանջատեսի և պլանավորման միջև օբյեկտիվորեն առաջանում է ռազմավարության անհրաժեշտությունը, որի խնդիրն է որոշել կազմակերպության զարգացման հիմնական նպատակները, գլխավոր գերակայությունները, դրանց հասնելու համար ռեսուրսների ծախսը և բաշխման ուղղությունները» (էջ 19), այսինքն՝ կոնկրետացնել պլանի բովանդակությունը և ուղղվածությունը: Այսպիսի մոտեցման դեպքում, տնտեսական ռազմավարությունը դիտվում է որպես տնտեսության, կազմակերպության երկարաժամկետ նպատակների, գերակայությունների ու գործողությունների, ինչպես նաև դրանց իրագործման համար անհրաժեշտ ռեսուրսների բաշխման գլխավոր ծրագիր, իսկ ռազմավարական կառավարումը՝ նպատակահամար գործունեության համար որոշումների ընդունման գործընթաց, որոնք ուղղված են տնտեսական ռազմավարության ընտրությանը և դրա կենսագործման ապահովմանը:

Հիմնավոր տնտեսական ռազմավարության մշակման, այդ թվում ռազմավարական կառավարման, ելակետը նպատակի հստակեցումն է, որը կանխորոշում է տնտեսության, կազմակերպությունների զարգացումը բնութագրող ցուցանիշների փոփոխության ուղղությունները, կառավարման կազմակերպական համակարգը: Մենագրությունում բերված է տնտեսագիտական գրականությունից հայտնի նպատակների դասակարգումը՝ ըստ բովանդակային, ժամանակային, աստիճանակարգային և կառավարման մակարդակների հատկանիշների: Բացահայտվում է հիմնական նպատակի վերջնական որոշման և հիմնավորման, ռազմավարության ընտրության և իրացման գործընթացում տնտեսության, կազմակերպության արտաքին և ներքին միջավայրերի իրավիճակային վերլուծության և գնահատման վճռորոշ գերը: Առանձնակի ուշադրություն է դարձվում ռազմավարության ալլընտրանքային տարրերակներից հիմնական նպատակին առա-

վելագույնը համապատասխանող տարբերակի ընտրության, դրան համապատասխան՝ կառավար-վող համակարգի կազմակերպական կառուցվածքի, ընտրված ռազմավարության գնահատման հարցերին:

Ուշագրավ է պետության կողմից իրականացվող տնտեսական քաղաքականության իրա-կանացման գործում հեղինակի մոտեցումը ռազմավարական կառավարմանը: Ինչպես իրավա-ցիորեն նշում է նա, տնտեսական քաղաքականության խնդիրը տնտեսական կյանքի խիստ կանոնակարգումը չէ: Այն դիտվում է որպես միջոցառումների մի այնպիսի համալիր, որը պետությունը մշակում և իրականացնում է տնտեսության դարգացումն անհրաժեշտ ուղղություն-ներով ապահովելու, ռազմավարական խնդիրներին և սոցիալական հիմնահարցերի լուծման շահերին համապատասխանեցնելու, ռազմաճարտ սուբյեկտների գործունեությանը որոշակի ուղղություն տալու համար: Ընդգծվում է, որ տնտեսական լծակների համակարգի միջոցով պետությունն ընտրված ռազմավարական կառավարմանը համապատասխան, հավատարիմ իր կոյմանը, պարտավոր է հոգալ իր երկրի քնակչության ապրելակերպի, նրա զբաղվածության ապահովման, առողջապահության, կրթության, մշակույթի մասին, ամրապնդել տղապանու-նակությունը, կազմակերպել դրամաշրջանառությունը, բանկային և ֆինանսական գործունեու-թյունը, երաշխավորել ձեռնարկության ազատությունը, ուղղություն տալ տնտեսական ու սոցիա-լական զարգացմանը:

Ինչպես տնտեսական քաղաքականության, այնպես էլ դրան համապատասխանող տնտեսա-կան բարեփոխումների ռազմավարության գնահատականը, վերջիվերջո, օբյեկտիվ իրողություն է: Եթե անցումը շուկայական տնտեսության համակարգին այլընտրանք չունի, ապա դրա իրա-կանացման ուղիները կարող են լինել տարբեր՝ պայմանավորված երկրի սոցիալ-քաղաքական, տնտեսական իրավիճակով, հասարակության բարոյահոգեբանական պայմաններով: Տարբերում են ազատ շուկայական հարաբերությունների անցման աստիճանական և արագ (սցենարակա-ծային բուժման) ռազմավարություն: Մեր հանրապետությունում ընտրվեց արագ բարեփո-խումների ռազմավարությունը: Տվյալ երկրի առանձնահատկությունները հաշվի առնող գիտա-կանորեն հիմնավորված ռազմավարության ղեկավար տնտեսական իրավիճակը բնութագրող մակրոտնտեսական ցուցանիշները դրսևորելու էին զրական ուղղվածություն: Սակայն, ինչպես ցույց է տրվում մենագրությունում, շուկայական հարաբերությունների արագ արմատավորման և համապատասխան կառուցվածքների ձևավորման հենց սկզբնական փուլում (1990—1991 թթ.) դրսևորվեցին հանրապետության տնտեսության քայքայման, սրբնթաց գնաճի, բնակչության կենսամակարդակի կտրուկ անկման միտումներ, որոնք հետագայում (1992—1994 թթ.) հան-գեցրին խոր տնտեսական ճգնաժամի: Պետք է ընդունել, որ դրանք ռազմավարական բնույթի պատճառներից բացի պայմանավորված էին նաև այնպիսի այլ գործոններով, ինչպիսիք էին փաստական պատերազմական իրավիճակը, տրանսպորտաէներգետիկ շրջափակումը, աղետի գոտու առկայությունը, ԽՍՀՄ փլուզման հետևանքով տնտեսական ավանդույտների կորու-մը և այլն: Սակայն, ինչպես ընդգծվում է մենագրությունում, դրանք չէին վճռորոշները և այդ ամենը անհրաժեշտ էր հաշվի առնել արագ բարեփոխումների ռազմավարությունն ընտրելիս: Դրանց հաշվառման ղեկավարը թերևս հնարավոր էր հրաժարվել «ցենարակա-ծային բուժման» ընտրված և իրականացվող տնտեսական ռազմավարությունից: Ստեղծված իրադրույթի հա-թաբան, տնտեսության կայունացման և այնուհետև վերելքի ապահովման հիմնական ուղին Հայաստանի յուրահատուկ, ճկուն, հաշվեկշռված հիմնավեր տնտեսական ռազմավարության մշակումը և հետևողական կենսագործումն է: Այն ներառելու է նաև ՀՀ և ԼՂՀ տնտեսական միասնացումը: Վերջինիս համար կարևոր են աղգային միասնական զաղափարախոսությունը, քաղաքական, սոցիալ-տնտեսական, մշակութային խնդիրների ընդհանրությունը, բնական ռեսուրսների համատեղ, համալիր, արդյունավետ օգտագործման անհրաժեշտությունը:

Այսպիսով, կարելի է եզրակացնել, որ գրախոսվող մենագրությունը այժմեական և հետա-բերքի հետադոտություն է: Այն ճանաչողական, գիտական նշանակության հետ մեկտեղ ունի գործնական ուղղվածություն և կարող է օգտակար լինել ինչպես հանրապետության տնտեսական քաղաքականությունը մշակող մասնագետներին, այնպես էլ կառավարման ոլորտում աշխատող-ներին, տնտեսագիտական բուհերի դասախոսներին և ուսանողներին համար:

Բ. Ս. ՄԵԼՎԻՆԱՉԱՆ
Տնտեսագիտության դոկտոր